

痰飲

咳嗽

喘急

哮喘

癰疽

痢疾

霍亂

嘔吐

翻胃

呃逆

噎氣

吞酸

諸乾

痰喘

鼓脹

水腫

積聚

五疳

泄瀉

雜

丙集三卷

新刊醫林狀元壽世保元丙集三卷

太醫院吏目金谿雲林龔延賢子才編

同邑後學周亮登元龍校

痰飲

脉雙弦者寒飲也○其脉偏弦者飲也○肺飲不弦但喘短氣○痰云脉浮而細滑傷飲○脉弦數有寒飲春夏難治○脉沉而弦者懸飲內痰○其人短氣四肢歷節走痛脉沉者有留飲○左右手關前脉浮弦大而實膈上有稠痰也宜吐之○病人百藥不効關上脉伏而大者痰也眼胞及眼下如炭烟薰黑者亦痰也○久得膈脉痰飲膠固脉道阻澁也卒難得開必費調理

痰者病名也生於脾胃然脾胃氣盛飲食易尅何痰之有或食後因之氣惱勞碌驚恐風邪致飲食之精華不能傳化而成痰飲矣有流乎經絡皮膚者有鬱于臟腑支節者游溢遍身無所不至痰氣既盛客必勝主或奪於脾之大絡也氣則倏然仆地此痰厥也升於肺者則喘急咳嗽迷於心者則怔忡恍

惚走於肝則眩暈不仁脇肋脹滿關於腎則冷而多痰湮流於中脘則則嘔瀉而作寒熱注於胸則咽膈不利肩稜骨痛入於腸漉漉有聲散於胸背則揪觸一點疼痛或寒於手足或背痺一邊散則有聲聚則不利一身上下變化百病治當各從所因是以虛宜補之火宜降之氣宜順之鬱宜開之食宜導之風寒濕熱宜發散清燥以除之故曰治病必求其本

○一論有 濕痰 熱痰 風痰 老痰 寒痰 食積痰
宜後方加減

二陳湯

陳皮

去白 一錢

半夏

湯洗 二錢

白茯苓

去皮 一錢

甘草

五分

右剉一劑生薑三片水煎溫服

一濕痰盛者身軟而重加蒼朮白朮

一熱痰加黃連黃芩痰因火盛逆上降火爲先加白朮黃芩軟石膏黃連

一眩暈嘈雜者火動其痰也亦加山梔黃連黃芩

一風痰加天麻枳殼南星白附子殭蚕牙皂之類氣虛者加竹瀝氣實者加荊

瀝俱用薑汁

一著痰用海石半夏藁香附連翹之類五倍子佐此藥大治頑痰宜丸藥喉中有物咯不出嚥不下此痰結也用藥化之加鹹藥軟堅之類宜瓜蒌杏仁海石桔梗連翹香附少佐朴硝薑汁煉蜜和丸噙服之脉澇者卒難得開必費調理氣實痰熱結者吐難得出或成塊吐咯不出氣滯者難治

一寒痰痞塞胸中倍加半夏甚者加麻黃細辛烏頭之類痰厥頭痛亦加半夏一食積痰加神曲麥芽山楂炒黃連枳實以消之甚者必用攻之宜丸藥兼血虛者用補血藥送下中焦有痰者食積也胃氣亦賴所養卒不便虛若攻之盡則虛矣○噫氣吞酸此係食積而鬱有熱火氣動上加黃芩南星

一血虛有痰加天門冬知母瓜蒌仁香附米竹瀝薑汁帶血者更加黃芩白芍桑白皮血滯不行中焦有飲者取竹瀝加生薑汁韭汁飲三五盞必胸中煩燥不寧後愈

一氣虛有痰加人參白朮脾虛者宜補中氣以運痰降下白朮加白芍神曲麥芽兼用升麻提起內傷夾痰加人參黃芪白朮之類薑汁傳送或加竹瀝尤

妙

一痰在膈上必用吐法瀉之不去膠固稠濁者必用吐脉浮者宜吐痰在經絡間非吐不可吐中就發散之義凡用吐藥宜升提其氣便吐加防風川芎桔梗芥芽生薑薑汁之類或瓜蒂散凡吐用布緊勒肚於不通風處行之

一痰在腸胃間可下而愈想實甘遂巴豆大黃芒硝之類凡痰用利藥過多脾氣易虛則痰易生而多

一痰在脇下非白芥子不能達

一痰在皮裏膜外非薑汁竹瀝不可及在四肢非竹瀝不開在經絡中亦用竹瀝必佐以生薑韭汁膈間有痰或癲狂或健忘或風痰俱在竹瀝與荊瀝同功氣虛少食用竹瀝氣實能食用荊瀝

一凡人身上中下有塊是痰也問其平日好食何物吐下後方用藥

一凡人頭面頸項身中有結核不痛不紅不作膿者皆痰注也宜隨處用藥消

一凡痰之爲物無處不到爲隨氣升降故也

○一論竹瀝大治熱痰及能養血清熱有痰厥不省人事幾死者得竹瀝灌之

遂甦誠起死回生藥也

用水竹旱筆竹截長二尺許小者每段劈作二片大者劈作四片入井水浸一時許以薄磚二塊排定將竹片架於磚上兩頭露一二寸下以烈火迫之兩頭以盆盛灑每六分中加薑汁一分服之痰熱甚者止可加半分耳用以竹灑加入湯藥內服之尤妙取荆灑亦治熱痰亦照此法取之

○一論痰屬濕乃津液所化因風寒濕熱之盛或七情飲食所傷以致氣逆液濁變為痰飲故曰痰因火動降火為先火因氣逆順氣為要

加減二陳湯

橘紅去白一錢

半夏製一錢半

白茯苓去皮一錢

貝母一錢半

枳實炒一錢

白朮去白一錢

連翹五分

黃芩酒炒一錢

防風去苗五分

天花粉七分

香附便炒一錢

甘草三分

右剉生薑三片水煎溫服

○一論熱痰在胸膈間不化吐咯不出其熱氣急滿悶作痛者名曰痰結開結化痰湯

陳皮

半夏製

茯苓

桔梗

枳殼

貝母

瓜蒌仁

黃連

黃芩

梔子

蘇子

桑皮

朴硝

杏仁

甘草

右剉水煎入薑汁磨木香服

○一論遍身四肢骨節走注疼痛牽引胸背亦作寒熱喘咳煩悶或作腫塊痛難轉側或四肢麻痺不仁或背心一點如冰冷脉來沉滑乃是濕痰流注經絡關節不利故也

清濕化痰湯

南星泡

半夏製

陳皮去白

茯苓去皮

蒼朮米泔炒

羌活

酒芩

白芷

白芥子

甘草

右剉水煎入竹瀝薑汁磨木香溫服○骨體痛甚及有腫塊作痛者名曰痰塊加乳香沒藥海石朴硝○頭頂痛加川芎威靈仙○手臂腫痛加薄桂引南星至痛處

○一論內傷七情痰迷心竅神不守舍神出舍空空則痰生以致增寒壯熱頭

痛昏沉迷悶上氣喘急口出涎沫證類傷寒兼治中風痰厥氣厥不省人事
清熱導痰湯

人參

白朮

去青 茯苓

去皮 陳皮

去白 半夏

薑製

南星

薑製

枳實

麩炒

桔梗

黃連

黃芩

瓜蒌仁

甘草

右剉生薑煎入竹瀝薑汁同服

家傳清氣化痰丸

製造甚得法化痰清火開膈順氣消痞除脹醒酒消食

大南星

四兩

大半夏

四兩

二味先用米泔水各浸三五日以透為度

洗淨切片以碗一個盛貯晒乾先薑汁次皂汁又次礬汁又取硝水晒乾

一用生薑汁浸一旦夕晒乾

一用皂角煎水去渣浸一旦夕晒乾

一用白礬一兩煎水浸一旦夕晒乾

一用朴硝一兩煮水浸一旦夕多晒乾

青皮

土種

陳皮

去白

枳殼

去穢

枳實

麩炒

白朮

去青

白茯苓

去皮

蘇子

炒

白芥子

炒

羅蔔子

炒

香附

鹽水炒

瓜蒌仁

乾葛

桔梗

去青

杏仁

去皮

黃芩酒炒 神曲炒 麥芽炒 山查蒸去 白豆蔻去 前胡去甘 甘草各一兩

右為細末用前浸四味藥水加竹瀝一碗泡蒸餅為丸如梧子大每服五七

十丸或茶或姜湯任下

一論健脾胃清火化痰頑痰能軟結痰能開疎風養血清上焦之火除胸膈

之痰痞頭目眩暈

千金化痰丸

胆星四兩 半夏姜蜜牙早同煮 陳皮去白 白茯苓云皮

枳實炒 海石火煨 天花粉二兩 片苓二兩 黃柏酒炒

知母酒炒 當歸酒炒 天麻火煨 防風去 白附子二兩

甘草生三兩 大黃酒蒸九兩 白朮米泔浸 氣虛加人參八錢

右為細末神曲二兩打糊為丸如梧子大每服七八十丸茶水任下

○一秤金一名金珠化痰丸治痰嗽如神又治痰嗽

用生薑十斤米泔水浸十日換水三次取出切在兩半曬乾用白礬五斤

水一桶入鐵鍋內化開將生薑入礬水內浸二十日取出切作四瓣曬乾

用生薑十斤另研取汁再入半夏浸二十日取出晒乾為細末聽用粉草十斤去皮為粗入鍋內添水煮數沸取出以布濾去渣將淨水仍入鍋內熬成膏子和成劑每病重者用藥二錢半輕者二錢金箔十張和一大丸與病人噙化忌房事此藥神効不可輕忽

○一治痰壅方

梨汁一罐

生薑汁半罐

蜜半罐

南薄荷末三兩

石和勻重湯煮十餘沸任意食降痰驗如奔馬

○一論痰飲為病或狂或眩暈等症無不奏効

白九子 中州傳明岐傳

川南星四兩

半夏十兩

白附子五兩

小川烏三兩

右俱切片春七夏三秋八冬十日水浸一日一換日晒夜露其星半夏放磁器內少加薑汁同浸去麻性次將前藥磨又將絹巾濾去渣澄白粉晒乾白米糊為丸如梧子大每服五六十丸薑湯滾水任下其藥放舌上不麻為度方妙

釣痰仙方 曾府秘方

礪砂 一錢

白礬 半生半熟 磁青 上細磁器打下

瓜蒂 五分 青蒙石 煨紅芥姜汁內一錢

右共研細末每用二釐薄荷濃湯調入鼻內即愈

○一人氣短有痰小便赤澁足眼作痛尺脉浮大按之則清此腎氣丸補飲也用四物送六味丸不月而康仲景先生云氣虛有飲用腎氣丸補而逐之誠開後學之蒙賸濟無窮之天枉腎氣丸即六味丸也

○一儒者體肥善飲仲秋痰喘用二陳苓連益甚加桑皮杏仁盜汗氣促加知母枳殼不時發熱余以為脾肺虛寒用八味丸以補土母補中益氣以安中氣而愈

○一婦人因怒吐痰胸滿作痛服四物二陳苓連枳殼之類不應更加祛風之劑半食不遂筋漸攣縮四肢痿軟目瞤益甚內熱口乾形體倦怠余以為鬱怒傷脾肝氣血復損而然遂用逍遙散補中益氣湯六味地黄丸調治喜其謹疾年餘悉愈形體康健

補中益氣湯 見角傷

六味丸

八味丸 俱見益補

咳嗽

脉咳嗽所因浮風緊寒數熱細濕房勞瀉泄右關濡者飲食傷脾左關弦短疲

極肝衰浮短肺傷法當咳嗽五臟之嗽各視本部浮緊虛寒沉數實熱洪滑

多痰弦濇少血形盛脉細不足以息沉小皆實皆是死脉惟有浮大而嗽生

夫痰謂有聲肺氣傷而不清嗽謂有痰脾濕動而生痰咳嗽皆因傷肺氣而動

脾濕也病本須分六氣五臟之殊而其要皆主於肺蓋肺主氣而聲出也戴

云因風寒者鼻塞聲重惡寒者是也因火者有聲痰小而赤者是也因勞者

盜汗出兼痰者多作惡熱肺脹者動則喘滿氣急息重痰者嗽動便有痰聲

痰出嗽止五者大概耳亦當明其是否也治法須分新久虛實新病風寒則

散之火熱則清之痰涎則化之濕熱則瀉之久病便屬虛屬鬱氣虛則補氣

血虛則補血兼鬱則開鬱滋之潤之斂之降之則治虛之法也

一論四時感冒發熱頭痛咳嗽聲重涕唾稠粘中脘痞滿嘔吐痰水寬中快

膈不致傷脾此藥大解肌熱將欲成勞痰嗽喘熱並効用

參蘇飲

紫蘇

前胡

桔梗

枳殼

去穢
乾薑

陳皮

半夏

湯泡

白茯苓

去皮各一錢

甘草

三分

人參

五分

木香

三分

初病
熱嗽去之

右剉一劑薑棗煎服○若天寒感冒惡寒無汗咳嗽喘急或傷風無汗鼻塞

聲重加麻黃一錢杏仁一錢金沸草一錢以汗散之○若初感冒肺多有熱

加杏仁桑皮黃芩烏梅○胸滿痰多加瓜蒌仁○氣促喘嗽加知母貝母肺

寒咳嗽加五味乾薑○心下痞悶煩熱嘔穢惡心或停酒不散加薑炒黃連

枳實乾薑陳皮倍用之○鼻衄加烏梅麥門冬白茅根○心盛發熱加柴胡

黃芩○頭痛加川芎細辛○咳嗽吐血加升麻牡丹皮生地黃○人熱咳嗽

久不愈加知母貝母麥冬門○見血加阿膠生地黃烏梅赤芍牡丹皮○吐

血痰嗽加四物湯名茯苓補心湯○妊娠傷寒去半夏加香附子

○一論上氣喘逆咽喉不利痰滯咳嗽口舌乾渴

三母清順湯

天門冬

一錢

麥門冬

一錢

知母

二錢

貝母

甘草湯洗二錢

人參

五分

當歸身一錢 枯苓一錢 山梔子一錢 玄參一錢 桔梗一錢

天花粉一錢 薄荷七分 生甘草三分

右剉水煎服

清熱寧嗽化痰定喘丸

橘紅五錢 青黛三錢 貝母七錢 胆星一兩 天花粉七錢

桑白皮七錢 杏仁七錢 桔梗七錢 黃芩五錢 前胡七錢

甘草三錢

右為細末煉蜜為丸如龍眼大每服一丸淡薑湯化下

○一論痰嗽服前方不効者多屬氣血虛弱四肢沉困宜八物湯加黃柏知母

貝母門冬五味瓜蒌紫蘇陳皮等分薑東煎服

○一論咳嗽早間吐痰甚多夜間喘急不寐然早間多痰乃脾虛飲食所化夜

間喘急乃肺虛陰火上衝以後方服之

補中益氣湯方見內傷 依本方加麥門冬五味子 六味地黃丸方見補虛 依

本方加麥門冬五味子

○一論傷風寒鼻流清涕寒禁噴嚏此脾肺氣虛不能實腠理以補中益氣湯

主之

○一論咳嗽面白鼻流清涕此脾肺虛而兼外邪

補中益氣湯加茯苓半夏五味而愈

○一論咳嗽吐痰失音聲啞此元氣虛弱而致也

補中益氣湯加黃絹知母天門冬麥門冬五味杏仁黃芩灰薤仁

○一論咳嗽吐痰手足時冷此脾肺虛寒以補中益氣湯加炮乾薑半夏

○一論聲音不出用新槐花不拘多少瓦上慢火炒焦置懷中補中時時將一

二粒口中咀嚼嚥之使喉中常有味久聲自出

○一治語言不出用

真蘇子二錢訶子三錢

杏仁二十

白藥煎二兩

右為末每服二錢熱酒調服

○一治久嗽語音不出

訶子一兩

杏仁

油去皮尖一兩暹草二錢

右劉每服四錢煨薑五片水煎食後溫服

○一論年老人日久咳嗽不能卧者多年不愈用

猪板油四兩 蜂蜜四兩 冰糖四兩

右三味熬化成膏時時刻刻挑一匙口中噙化三五日其嗽即止

○一論久年咳嗽吐痰

銀杏膏

陳細茶四兩 罌粟為細末

家蜜半斤

白果肉四兩 一半去白膜 核桃肉四兩

右藥入內煉成膏不拘時服

○一治久嗽不瘥并虛勞喘嗽

紫苑去苗 款冬花各二兩 百部五錢

右為末每服三錢生姜三片烏梅一箇同煎湯調下食後臨卧各一

○一論久嗽并連嗽四五十聲者用連皮生姜自然汁一勺加白蜜二茶匙同

放茶碗內煎一滾溫服三四次即止

○一切咳嗽上氣者一道士專賣此藥不拘新久皆効

乾姜

桂心

然色辛辣者去皮

皂莢

泡去皮子肥大無孔者

右三味並另搗下篩丁各秤分兩和合後更搗篩一遍煉白蜜搜和又搗一二千杵每服三丸如梧桐子大不限食之先後嗽發即服日進三五服忌葱蒜油膩麪食

○一論年久近日咳嗽吼喘急等症

神吸散 國子博士顏心吾傳

鵝管石

火煨好醋拌

餘糧石

火煨醋拌

粉草

三分

枯白礬

五分

款冬花

五分

石膏

煨五

右爲細末每服三分二厘準秤至夜食後靜坐片時將藥放紙上以竹筒五寸長直插喉內用力吸藥速亦不怕吸藥令盡爲度以細茶一口嗽而嚥之忌雞魚羊鵝一切動風發物并生冷諸物惟食白煮猪肉雞子戒三七日口宜用公猪肺一副加肉半斤梔子一歲一箇炒成炭桑白皮不拘多少用同炒至熟爛去藥至五更病人不要開口言語令人將湯肺喂之病人嚼吃